

T-2

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 5. sjednici, održanoj dana 30.11.2023. godine, d o n o s i

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice, broj: 09-02-17237/23 od 27.11.2023. godine, o Prednacrtu Zakona o izmjenama i dopunama Zakona o zapošljavanju stranaca, koji je kantonalnim skupštinama dostavljen na mišljenje od strane Federalnog ministarstva rada i socijalne politike.

II.

Zaključak Vlade Zeničko-dobojskog kantona sa Mišljenjem Ministarstva za rad, socijalnu politiku i izbjeglice iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-02-17816 /23
Datum, 30.11.2023. godine
Z e n i c a

DOSTAVLJENO:

1x Ministarstvo za rad, socijalnu politiku i izbjeglice,
 1x Stručna služba Skupštine,
1x a/a.



PREMIJER

Nezir Pivić



ZENIČKO DOBOJSKI KANTON
VLADA

n/r Premijera
n/r Sekretara

Broj: 09-02-17237-1/23
Zenica, 27.11.2023. godine

PREDMET: Mišljenje Prednacrta Zakona o izmjenama i dopunama Zakona zapošljavanju stranaca, dostavlja se

Federalno ministarstvo rada i socijalne politike je aktom broj: 03-02/1-3148/23 EB od 16.11.2023. godine, oznake HITNO skupštinama kantona dostavilo tekst Prednacrta Zakona o izmjenama i dopunama Zakona o zapošljavanju stranaca (u daljem tekstu: Prednacrt Zakona) radi davanja mišljenja na predloženi tekst, budući da je oblast socijalne politike u zajedničkoj nadležnosti federalne vlasti i kantona, u skladu sa članom III.2 i III.3 Ustava Federacije.

Aktom Stručne službe Skupštine, broj:01-02-17237-1/23 od 22.11.2023. godine, ovom ministarstvu je kao resornom dostavljen na mišljenje tekst Prednacrta Zakona.

Nakon razmatranja dostavljenog teksta Prednacrta Zakona ovo ministarstvo u okviru svoje nadležnosti daje sljedeće:

M I Š L J E N J E

Uvidom u dostavljeni Prednacrt Zakona, utvrđeno je da se istim vrše izmjene i dopune članova 7., 8., 12., 13., 15., te da se dopunjuje odredba člana 15. na način da se dodaje nova odredba člana 15a. Zakona o zapošljavanju stranaca („Službene novine Federacije BiH“, broj:111/12) i to:

- Članom 1. Prednacrta Zakona dodan je novi stav u članu 7. kojim je propisano da postupak i proceduru izdavanja radne dozvole propisuje pravilnikom federalni minstar za rad i socijalnu politiku, u roku od najdalje 90 dana od dana stupanja na snagu ovog zakona.
- Članom 2. Prednacrta Zakona dodan je novi stav u članu 8. kojim se propisuje da je rješenje o radnoj dozvoli nadležna kantonalna služba dužna donijeti u roku najdalje 30 dana od dana podnošenja zahtjeva za njeno izdavanje.
- Članom 3. Prednacrta Zakona izmijenjen je stav (2) člana 12. na način da se radna dozvola koja je izdata na zahtjev jednog poslodavca ne može prenositi na drugog poslodavca, osim ako se radi o povezanim društvima u skladu sa važećim propisima, niti se može koristiti na duži period od vremena na koji je izdata, a da na osnovu radne dozvole stranac može raditi na teritoriji Federacije BiH.
- Članom 4. Prednacrta Zakona u članu 13. dodat je novi stav kojim je propisano da se radna dozvola izdaje na period koji je 30 dana kraći od vremena važenja privremenog boravka po osnovu koje je odobren.
- Članom 5. Prednacrta Zakona u članu 15. stav (1) dodaje se nova tačka g) kojom se propisuje izuzetak kod izdavanja radne dozvole, neovisno od utvrđene godišnje kvote

KW

OK

radnih dozvola, strancu koji se zapošljava u skladu sa Odlukom o deficitarnim zanimanjima iz dodatog člana 15a. ovog zakona.

- Članom 6. Prednacrta Zakona dodaje se novi član 15a., kojim se propisuje da će na osnovu stanja na tržištu rada Federacije, u pogledu broja i strukture nezaposlenih osoba, te potreba pojedinih djelatnosti, Federalni zavod za zapošljavanje najkasnije do 30.10. tekuće godine, nakon provedenih konsultacija sa reprezentativnim udruženjem poslodavaca, te uz prethodno pribavljenu saglasnost Federalnog ministarstva rada i socijalne politike, donijeti odluku o deficitarnim zanimanjima za koje nadležne kantonalne službe nisu obavezne pribaviti odobrenje Federalnog zavoda za zapošljavanje. Procjena stanja i potreba na nivou Federacije utvrđivala bi se na osnovu kriterija koji se odnose na zanimanja koja nedostaju, provedbe strateških i investicijskih projekata i drugih okolnosti koje su važne za ekonomski rast i održivi razvoj. Zanimanja iz navedene odluke bila bi izuzeta od provjere podataka na evidenciji nezaposlenih i davanja odobrenja Federalnog zavoda za zapošljavanje prilikom izdavanja radne dozvole.

Predložene izmjene i dopune predstavljaju usklađivanje zakonskih propisa sa potrebama tržišta rada, odnosno omogućavanja angažmana stranaca kako bi se riješio problem nedostatka radne snage, posebno u deficitarnim zanimanjima.

S obzirom da se radi izmjenama i dopunama koje su dostavljene u inicijativi Udruženja poslodavaca, te da je Federalno ministarstvo rada, cijeneći probleme sa kojima se susreću poslodavci zbog nedostatka kvalifikovane radne snage gore navedenim izmjenama i dopunama odredilo vremenski okvir za izdavanje radnih dozvola i njihovo trajanje, te dopunilo izuzetke od izdavanja radne dozvole neovisno od utvrđene godišnje kvote za zanimanja koja su deficitarna na tržištu rada, a neophodna su za kontinuirano obavljanje djelatnosti poslodavaca, ovo ministarstvo u potpunosti podržava izmjene i dopune sadržane u članu 1. do 5. Prednacrta Zakona.

Međutim, članom 6. Prednacrta Zakona, odnosno novim članom 15a. potrebno je definirati da se, prije usklađivanja liste deficitarnih zanimanja, za zanimanja za koja je to moguće, nedostajući kadar obezbijedi kroz obuke, prekvalifikacije i dokvalifikacije nezaposlenih osoba, te da se usklade programi zapošljavanja koji se finansiraju putem Federalnog zavoda za zapošljavanje, odnosno kantonalnih vlada, u smislu povećanog finansiranja mjera aktivnih politika na tržištu rada u ove svrhe.

U ovom slučaju bi se pokušala smanjiti stopa dugoročno nezaposlenih, a samim time bi se na efikasniji način stvorila jasnija slika pri razdvajanju aktivnih i neaktivnih tražioca posla, te bi se i u obrazovnom sistemu mogla prilagoditi upisna politika u srednjim školama i na fakultetima, koja bi bila usklađena sa potrebama poslodavaca, odnosno tržišta rada.

KV
OK
Dostavljeno:

1x Naslov

1x a/a



MINISTAR

Antonio Šimunović
Antonio Šimunović





Broj: 01-02-17237-1/23
Zenica, 22.11.2023. godine

HITNO!

- ZENIČKO-DOBOJSKI KANTON
VLADA KANTONA
- n/r premijera Kantona
- n/r sekretara Vlade Kantona

- MINISTARSTVO ZA RAD, SOCIJALNU POLITIKU I IZBJEGLICE
ZENIČKO-DOBOJSKOG KANTONA
n/r ministra


PREDMET: Mišljenje o Prednacrtu Zakona o izmjenama i dopunama Zakona o zapošljavanju stranaca - traži se

U prilogu ovog dopisa, dostavljamo Vam akt Federalnog ministarstva rada i socijalne politike broj: 03-02/1-3148/23 EB od 16.11.2023. godine oznake HITNO, (sa priloženim Prednacrtom Zakona o izmjenama i dopunama Zakona o zapošljavanju stranaca, Obrazloženjem istog i Odredbama Zakona o zapošljavanju stranaca čije se izmjene i dopune predlažu), koji je u Stručnoj službi Skupštine Zeničko-dobojskog kantona zaprimljen 21.11.2023. godine, te kojim se i od Skupštine Zeničko-dobojskog kantona traži da razmotri navedeni Prednacrt Zakona i svoje mišljenje na isti dostavi Federalnom ministarstvu rada i socijalne politike najkasnije u roku od 20 dana od dana prijema tog akta.

S tim u vezi, a u cilju postupanja po navedenom aktu molimo vas da nam traženo mišljenje dostavite što hitnije, a najkasnije do 29.11.2023. godine (srijeda), a koje bi Skupština Kantona imala u vidu prilikom razmatranja Prednacrta navedenog Zakona, te na osnovu kojeg bi mogla utvrditi svoje Mišljenje po istom, a potom ga u ostavljenom roku od **20 dana** od dana prijema, dostaviti Federalnom ministarstvu rada i socijalne politike.

S poštovanjem,

PRILOZI: Kao u dopisu



DOSTAVLJENO:

3 x Naslovu

1 x Svim poslanicima Skupštine Kantona/05-03 (skenirano na meil adrese)

1 x Komisiji za rad, socijalnu politiku, izbjeglice i zdravstvo Skupštine Kantona/Odjeljenje 04 (skenirano na meil adrese)

1 x Federalnom ministarstvu rada i socijalne politike, na znanje/na e-mail: info@fmrsp.gov.ba (samo ovaj dopis bez priloga)

1 x U spis predmeta - „R“/05-02



05-01/21.11/23 Mz

05-02/22.11.23.6

ZENIČKO-DOBOJSKI KANTON			
Datum: 20-11-2023		Organizacioni broj priloga	
Org. broj: 01-02-17238/			

20

Broj:03-02/1-3148/23 EB
Sarajevo, 16.11.2023. godine

**BOSNA I HERCEGOVINA
FEDERACIJA BOSNE I HERCEGOVINE
SKUPŠTINE KANTONA**

HITNO !

PREDMET: Mišljenje, traži se

U skladu sa Ustavom Federacije Bosne i Hercegovine, kojim je utvrđeno da je oblast socijalne politike u zajedničkoj nadležnosti federalne vlasti i kantona (čl. III.2. i III.3), u prilogu dostavljamo tekst Prednacrtu Zakona o izmjenama i dopunama Zakona o zapošljavanju stranaca.

Molimo da razmotrite navedeni Prednacrt Zakona, te da vaše mišljenje na isti dostavite Federalnom ministarstvu rada i socijalne politike, najkasnije u roku od 20 dana, od dana prijema ovog akta.

S poštovanjem,



Prilog: Kao u tekstu

Dostavljeno:

- Unsko-sanski kanton;
- Posavski kanton;
- Tuzlanski kanton;
- Zeničko-dobojski kanton;
- Bosansko-podrinjski kanton;
- Srednjobosanski kanton;
- Hercegovačko-neretvanski kanton;
- Zapadnohercegovački kanton;
- Kanton Sarajevo;
- Kanton 10.

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO RADA I SOCIJALNE POLITIKE**

Prednacr

ZAKON

O IZMJENAMA I DOPUNAMA ZAKONA O ZAPOŠLJAVANJU STRANACA

Sarajevo, novembar 2023. godine

ZAKON

O IZMJENAMA I DOPUNAMA ZAKONA O ZAPOŠLJAVANJU STRANACA

Član 1.

U Zakonu o zapošljavanju stranaca („Službene novine Federacije BiH”, broj: 111/12), u članu 7. iza stava (3) dodaje se novi stav (4) koji glasi:

„(4) Postupak i proceduru izdavanja radne dozvole propisuje pravilnikom federalni ministar za rad i socijalnu politiku, u roku od najdalje 90 dana od dana stupanja na snagu ovog zakona.”

Član 2.

U članu 8. iza stava (2) dodaje se novi stav (3) koji glasi:

„(3) Rješenje iz stava (2) ovog člana nadležna kantonalna služba dužna je donijeti u roku od najdalje 30 dana od dana podnošenja zahtjeva iz stava (2) ovog člana.”

Stavovi (3) do (7) postaju stavovi (4) do (8).

Član 3.

U članu 12. stav (2) mijenja se i glasi:

„(2) Radna dozvola koja je izdata na zahtjev jednog poslodavca ne može se prenositi na drugog poslodavca, osim ako se radi o povezanim društvima u skladu sa važećim propisima, niti se može koristiti na duži period od vremena na koje je izdata. Na osnovu radne dozvole iz stava (1) ovog člana stranac može raditi na teritoriji Federacije BiH.”

Član 4.

U članu 13. dodaje se stav (3) koji glasi:

„(3) Radna dozvola izdaje se na period koji je 30 dana kraći od vremena važenja privremenog boravka po osnovu koje je odobren.”

Član 5.

U članu 15. u stavu (1) dodaje se nova tačka g) koja glasi:

„strancu koji se zapošljava u skladu sa odlukom o deficitarnim zanimanjima iz člana 15a. ovog zakona.”

Član 6.

Iza člana 15. dodaje se član 15a. koji glasi:

„Član 15a.

- (1) Na osnovu stanja na tržištu rada na nivou Federacije, u pogledu broja i strukture nezaposlenih osoba, te potreba pojedinih privrednih djelatnosti, Federalni zavod za zapošljavanje najkasnije do 30.10. tekuće godine, nakon provedenih konsultacija sa reprezentativnim udruženjem poslodavaca, te uz prethodno pribavljenu saglasnost Federalnog ministarstva, donijet će odluku o deficitarnim zanimanjima za koje nadležne kantonalne službe nisu obavezne pribaviti odobrenje Federalnog zavoda za zapošljavanje iz člana 7. stav (2) ovog zakona.
- (2) Procjena stanja i potreba na tržištu rada iz stava (1) ovoga člana, utvrđivat će se na nivou Federacije na osnovu kriterija koji se odnose na:
 - zanimanja koja nedostaju,
 - provedbu strateških i investicijskih projekata,
 - druge okolnosti važne za ekonomski rast i održivi razvoj.
- (3) Federalni zavod za zapošljavanje dužan je pratiti stanje i potrebe iz stava (1) ovoga člana i u skladu s istim, vršiti izmjene i dopune odluke iz stava (1) ovog člana.
- (4) Odluka iz stava (1) ovoga člana objavit će se u "Službenim novinama Federacije BiH" i na web stranici Federalnog zavoda za zapošljavanje i kantonalnih službi.
- (5) Zanimanja iz odluke iz stava (1) ovog člana, izuzeta su od provjere podataka na evidencijama nezaposlenih osoba i davanja odobrenja Federalnog zavoda za zapošljavanje iz člana 7. stav (2) ovog zakona prilikom izdavanja radne dozvole.“

Član 7.

Ovaj zakon stupa na snagu osmog dana od dana objavljivanja u "Službenim novinama Federacije BiH".

OBRAZLOŽENJE

PREDNACRTA ZAKONA O IZMJENAMA I DOPUNAMA ZAKONA O ZAPOŠLJAVANJU STRANACA

I - USTAVNI OSNOV

Ustavni osnov za donošenje ovog zakona sadržan je u odredbama člana IV.A.20.(1)d), a u vezi sa članom III.2.e) i članom II.A.2.1) Ustava Federacije Bosne i Hercegovine.

Prema odredbama člana IV.A.20.(1)d) Ustava Federacije, Parlament Federacije nadležan je za donošenje zakona o vršenju funkcija federalne vlasti, a prema odredbama člana III.2.e) federalna vlast i kantoni nadležni su za socijalnu politiku.

II - RAZLOZI ZA DONOŠENJE ZAKONA

Federalnom ministarstvu rada i socijalne politike od strane Udruženju poslodavaca Federacije Bosne i Hercegovine dostavljena je inicijativa sa tekstom Zakona o izmjenama i dopunama Zakona o zapošljavanju stranaca, te je istom zatraženo pokretanje odgovarajućih aktivnosti u cilju dostavljanja navedenog teksta Zakona u parlamentarnu proceduru. Naime, Federacija Bosne i Hercegovine, odnosno Bosna i Hercegovina susreće se sa problemom nedostatka radne snage, posebno u proizvođačkim, uslužnim i drugim djelatnostima, što se posebno odražava na velike poslodavce koji su pretežito orijentirani na izvoz. Nedostatak radne snage aktuelan je problem u posljednjih nekoliko godina za domaće privrednike, posebno izvoznike, bez obzira što na evidencijama službi za zapošljavanje postoji određen broj nezaposlenih osoba sa zanimanjima za koje poslodavci smatraju da su deficitarna zanimanja, te osobe ipak ne traže posao nego su u evidencijama zbog zdravstvenog osiguranja i drugih eventualnih socijalnih naknada, koje ostvaruju kao nezaposlene osobe. S tim u vezi, ovo ministarstvo je pripremio Prednacrt Zakona o izmjenama i dopunama Zakona o zapošljavanju stranaca.

Kako se ovim zakonom uređuje oblast koja je u zajedničkoj nadležnosti federalne i kantonalnih vlasti, Prednacrt Zakona dostavljen je svim skupštinama kantonima u Federaciji BiH, radi pribavljanja mišljenja o istom.

Također, Prednacrt Zakona dostavljen je Federalnom zavodu za zapošljavanje i kantonalnim službama za zapošljavanje.

Pored toga, Prednacrt Zakona upućen je Savezu samostalnih sindikata Bosne i Hercegovine, odnosno Delegaciji sindikata u Ekonomsko-socijalnom vijeću za teritoriju Federacije BiH i Udruženju poslodavaca Federacije Bosne i Hercegovine, kao reprezentativnim udruženjima radnika, odnosno poslodavaca na teritoriji Federacije Bosne i Hercegovine, radi davanja mišljenja.

Prednacrt Zakona upućen je i Federalnoj upravi za inspekcijske poslove, radi davanja mišljenja, te Ministarstvu sigurnosti Bosne i Hercegovine.

Također, na Prednacrt Zakona bit će zatraženo mišljenje i Ekonomsko-socijalnog vijeća za teritoriju Federacije BiH.

U skladu sa članom 27. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10, 62/10, 39/20 i 67/21), na navedeni Prednacrt Zakona bit će zatražena mišljenja Federalnog ministarstva finansija, Federalnog ministarstva pravde i Ureda Vlade Federacije Bosne i Hercegovine za zakonodavstvo i usklađenost sa propisima Europske unije.

III – USKLAĐENOST SA PROPISIMA EUROPSKE UNIJE

Imajući u vidu predmet i sadržaj ovog zakona, utvrđeno je da ne postoje odgovarajući izvori prava Europske unije sa kojim je potrebno izvršiti usklađivanje.

IV - OBRAZLOŽENJE PREDLOŽENIH PRAVNIH RJEŠENJA

Članom 1. ovog Zakona dodan je novi stav u članu 7. kojim je propisano da postupak i proceduru izdavanja radne dozvole propisuje pravilnikom federalni ministar za rad i socijalnu politiku, u roku od najdalje 90 dana od dana stupanja na snagu ovog zakona.

Članom 2. ovog Zakona dodan je novi stav u članu 8. kojim se propisuje da je rješenje o radnoj dozvoli nadležna kantonalna služba dužna donijeti u roku od najdalje 30 dana od dana podnošenja zahtjeva za njeno izdavanje.

Članom 3. ovog Zakona izmjenjen je stav (2) člana 12. na načina da radna dozvola koja je izdata na zahtjev jednog poslodavca ne može se prenositi na drugog poslodavca, osim ako se radi o povezanim društvima u skladu sa važećim propisima, niti se može koristiti na duži period od vremena na koje je izdata, a da na osnovu radne dozvole stranac može raditi na teritoriji Federacije BiH.

Članom 4. ovog Zakona u članu 13. dodat je novi stav kojim je propisano da se radna dozvola izdaje se na period koji je 30 dana kraći od vremena važenja privremenog boravka po osnovu koje je odobren.

Članom 5. ovog Zakona u članu 15. u stavu (1) dodata je nova tačka g) kojom se propisuje izuzetak kod izdavanja radne dozvole strancu koji se zapošljava u skladu sa Odlukom o deficitarnim zanimanjima iz člana 15a. ovog zakona.

Članom 6. ovog Zakona dodaje se novi član 15a. kojim se propisuje da će na osnovu stanja na tržištu rada na nivou Federacije, u pogledu broja i strukture

nezaposlenih osoba, te potreba pojedinih privrednih djelatnosti, Federalni zavod za zapošljavanje najkasnije do 30.10. tekuće godine, nakon provedenih konsultacija sa reprezentativnim udruženjem poslodavaca, te uz prethodno pribavljenu saglasnost Federalnog ministarstva rada i socijalne politike, donijet odluku o deficitarnim zanimanjima za koje nadležne kantonalne službe nisu obavezne pribaviti odobrenje Federalnog zavoda za zapošljavanje. Procjena stanja i potreba na nivou Federacije utvrđivat će se na osnovu kriterija koji se odnose na zanimanja koja nedostaju, provedbu strateških i investicijskih projekata i druge okolnosti važne za ekonomski rast i održivi razvoj. Federalni zavod za zapošljavanje dužan je pratiti stanje i potrebe i u skladu s istim, vršiti izmjene i dopune navedene odluke, a ova odluka objavit će se u "Službenim novinama Federacije BiH" i na web stranici Federalnog zavoda za zapošljavanje i kantonalnih službi. Zanimanja iz navedene odluke, izuzeta su od provjere podataka na evidencijama nezaposlenih i davanja odobrenja Federalnog zavoda za zapošljavanje prilikom izdavanja radne dozvole.

V - FINANSIJSKA SREDSTVA

Za provođenje ovog zakona nije potrebno osigurati dodatna finansijska sredstva u Budžetu Federacije Bosne i Hercegovine.

O d r e d b e

Zakona o zapošljavanju stranaca („Službene novine Federacije BiH”, broj: 111/12), čije se izmjene i dopune predlažu

Član 7.

- (1) Pored općih uvjeta utvrđenih zakonom, kolektivnim ugovorom i pravilnikom o radu stranac mora posjedovati i radnu dozvolu za zaključivanje ugovora u skladu sa članom 2. ovog zakona.
- (2) Radnu dozvolu za zaključivanje ugovora o radu i ugovora o privremenim i povremenim poslovima sa strancem na zahtjev poslodavca koji ga zapošljava izdaje kantonalna služba za zapošljavanje prema sjedištu poslodavca (u daljnjem tekstu: kantonalna služba), uz odobrenje Federalnog zavoda za zapošljavanje.
- (3) Kantonalna služba koja je izdala radnu dozvolu dužna je odmah jedan primjerak radne dozvole dostaviti nadležnoj službi za poslove sa strancima Ministarstva sigurnosti Bosne i Hercegovine.

Član 8.

- (1) Radna dozvola je osnov za zaključivanje ugovora o radu ili ugovora o obavljanju privremenih i povremenih poslova.
- (2) U skladu sa utvrđenom kvotom radnih dozvola u Federaciji, a na osnovu zahtjeva poslodavca, radnu dozvolu za zaključivanje ugovora o radu ili ugovora o obavljanju privremenih i povremenih poslova u formi rješenja izdaje nadležna kantonalna služba.
- (3) Radne dozvole utvrđene godišnjom kvotom izdaju se prvo za produženje već izdatih radnih dozvola, a zatim za novo zapošljavanje.
- (4) Zahtjev za produženje radne dozvole poslodavac je dužan podnijeti u roku od 30 dana prije isteka njenog važenja.
- (5) Protiv rješenja iz stava (2) ovog člana može se izjaviti žalba Federalnom ministarstvu rada i socijalne politike (u daljnjem tekstu: Federalno ministarstvo) u roku od osam dana od dana prijema rješenja.
- (6) Federalno ministarstvo dužno je donijeti rješenje po žalbi u roku od 15 dana od dana podnošenja žalbe.
- (7) Rješenje Federalnog ministarstva je konačno i protiv njega se ne može pokrenuti upravni spor.

Član 12.

- (1) Na osnovu radne dozvole stranac može raditi samo na onom radnom mjestu ili na onoj vrsti poslova za čije je obavljanje radna dozvola izdata, te na osnovu koje je strancu odobren privremeni boravak.
- (2) Radna dozvola izdata na zahtjev jednog poslodavca ne može se prenositi na drugog poslodavca, niti se može koristiti duže od vremena za koje je radna dozvola izdata.

Član 13.

- (1) Radna dozvola izdaje se na period koji je tri mjeseca kraći od vremena važenja putne isprave.
- (2) Radna dozvola ne može se izdati sa rokom važenja dužim od jedne godine.

Član 15.

(1) Radna dozvola može se izdati nezavisno od utvrđene godišnje kvote radnih dozvola u sljedećim slučajevima:

- a) strancu koji ima obrazovanje koje odgovara visokom obrazovanju, završenom postdiplomskom ili doktorskom studiju u Federaciji,
- b) strancu čiji se rad u Federaciji zasniva na međunarodnom sporazumu,
- c) strancu koji obavlja ključne poslove u poslovnom subjektu a koji nije izuzet od potrebe posjedovanja radne dozvole na osnovu međunarodnog sporazuma,
- d) učiteljima ili nastavnicima koji izvode ili pomažu u nastavi u obrazovnim ustanovama zbog svog specifičnog znanja,
- e) profesionalnim sportistima ili sportskim radnicima koji na osnovu valjano zaključenog ugovora rade u Federaciji,
- f) strancu koji je u bračnoj ili vanbračnoj zajednici sa strancem sa odobrenim stalnim boravkom u Bosni i Hercegovini ili je dijete stranca sa odobrenim stalnim boravkom u Bosni i Hercegovini.

(2) U slučaju iz stava (1) tačka a) ovog člana u postupku donošenja odobrenja službena osoba Federalnog zavoda za zapošljavanje vrši provjeru da li na evidencijama nezaposlenih u Federaciji ima osoba koje ispunjavaju uvjete koje zahtijeva poslodavac za zaključenje ugovora o radu ili ugovora o obavljanju privremenih i povremenih poslova sa strancem.

(3) Odobrenje za izdavanje radne dozvole u slučaju iz stava (2) ovog člana izdat će se samo ukoliko nezaposlene osobe sa evidencije kantonalnih službi, van mjesta sjedišta poslodavca, ne prihvate ponuđeno zaposlenje.